

INVOCAZIONE

M'imbemuggio, còcente dogni die,
Nostra Signora bell'e su Saludu,
cust'est s'ultimu arzudu,
s'ultima grascia, chi dimandho a tie.

A
A Pes de cust'Altare, imbenugiadu,
cantas boltas, o Vergine, m'has bidu,
t'appo sempre pedidu
su regalù c'ancora non m'has dadu.

Ti dimandho saludu solamente:
non cheizo tancas e nè zarras d'oro,
ma paghe, paghe vera a custu coro.
E atteru niente.

Ahi!... E cantas boltas, male sanu,
po Te, app'affrontadu sas tempestas,
t'appo sempre promissu milli festas
a Rosariu in manu.

T'appo promissu caddhos curridores
e tres missas a musica cantadas,
chentu feminas nostras collanadas
chi t'attin sos fiores.

Custa xente de sambene gagliardu
ten sezzere sos caddhos pius famosos
in s'Aldia ten parrer sos isposos
un esercitu sardu.

Sos ferros ten zoccare in sa cudina
e falan sos pastores da sa Serra,
visitare ti ten da dogni terra ((terra))
e t'invocan, Reina.

In s'Altare tes parrer un'istella,
cun collanas calendh'in sas petorras,
ma su saludu candho mi lu torras, No
Nostra Signora bella?

A tie alzo sos oggios, Mama 'e Deu,
pentidu de sa ruzza pizginaia:
Misericordia, o Vergine Maria,
de custu viver meu!

Pinnacchio - Poffanigione (Senna)